

奉化縣志卷之八

志人物下

孝義

王學顏太定社人爲照磨署吏性剛直無猾蠹行捐地基建  
鬼王廟施香火地若干畝見廟碑又隨照磨張長泰約衆定斗  
秤規商民稱便財神廟碑稱其扶濟危困有義士風道光二  
十七年連歲荒歉農民困苦西公益地局執事人劉薪伐起  
意丈地增租以學顏人望頗屬求爲出力學顏執不可因憤  
恨明年秋薪伐子潰玉誘殺之商民悼其因公被禍卽於鬼

奉化縣志

卷之八 人物下

一

王廟立像祀焉

賀殿寬採報

李萬鈞太定社人武生振邦之祖家貧備身養親以孝稱中  
年力田起家慷慨好施與扶濟危困能力爲之義聲著郡邑  
有李善人之稱歲荒歉施濟貧民門常如市米騰貴減價出  
糶人尤銜感同治四年馬賊蠡起肆行劫掠至萬鈞門貧民  
數十百人迎賊語曰此善人也幸勿害賊驚歎去年八十有  
九無疾而終張佩文路槐鄉採舉  
許占一本吉林長春廳人性倜儻初誤爲盜然不嗜殺人無  
淫暴行聞昌圖通判海公有青天之名心慕之往投誠焉後

巨盜馬傻子猖獗海公殉難占一痛哭為釀金親送其柩於  
閩嗣歸統領劉景芳軍門同治四年奉邑土匪蠢動帶兵三  
百名駐紮縣治遐邇賴之以安因家焉五年隨劉營赴直隸  
一帶勦賊以功保花翎守備加都司銜明年在廣平府之馬  
疍橋遇巨寇陳大刀接仗與營官劉在巘同時力竭陣亡時  
年二十有四奉

旨卹賞雲騎尉世職恩騎尉世襲罔替

李敏  
採舉

論曰君子論人祇論後半截諺所謂貞婦白頭失節不如  
老妓從良有以哉嘗考金史如孔彥舟輩固不足道若王

奉化縣志

卷之八 人物下

二

伯龍功烈赫赫進爵王公初固亦聚黨為盜者也然則占  
一徙於義死於忠又何害其初為不軌而必欲苛責不已  
耶

崔峻德允順社人富而好施鄉里有求輒應無吝色鰥寡廢  
疾者尤矜憐周卹之施義田以葬貧旅治家有法凡百餘人  
雍雍和睦七世同居焉年八十以考終

林萬春  
採舉

胡修翰字鳳五節婦胡任氏嗣子事母能得歡心佐母治家  
五世同居合爨者凡百七十人無少長咸相敦睦以故有聲  
黌序間於人亦和易無忤光緒九年夏母節孝坊成捧觴為

壽親友登堂祝嘏者凡數百人一時稱盛秋修翰以疾卒年五十有二母亦尋歿人爭惜之

李敏採舉

張炳辰太定社人寄外籍庠生武生張佩文胞弟也同志同懷雅相敦睦炳辰勤學好問積書常千卷琳瑯滿架性磊落尚氣誼相傳同治庚午赴試秋闈厲都門打磨廠路拾紙包內裹錢帖質帖二事為質頗鉅訪其人還之年三十三以疾

卒士人多腕惜焉

高顧清採舉

鞠發邑人充勇目同治元年馬賊王五等倡亂發率練勇禦之鏖戰力竭陣亡同死者十六人尸骸狼籍居民哀之合築

奉化縣志

卷之八

人物下

三

大墓共瘞焉有碑記其事

以下同治建元以來殉難死義諸人彙記類附於此

張德才

王鴻儒

李悅廷

黃玉林

黎廣才

吳永春

孟廣興

季國仁

梁萬頃

盧才

林士明

董義好

楊林

常和青

徐發

以上十五人均與鞠發同時死難李春陽採舉

陳蒼

孫昭

王從雲

張祿

許永和

李振邦

張喜

以上七人係練勇同治二年十月在邑之榆樹台戰歿附祀三公祠並禮房存卷

孫發橫道子屯人同治二年率勇勦賊敗績被獲不屈死

劉國發南郭家店北屯人與孫發同死與難者共八人其六

奉化縣志

卷之八

人物下

四

人未詳

二名李應辰採舉

李向云

陳景春

柳得春

舒萬年

劉起

高起

穆成文

以上七人係同治二年十月初五日在小城子與焉子李王五等接仗陣亡義勇 曲桂鄉採舉

孫法橫道子屯人同治三年追捕馬賊遇於小紅嘴傷賊數

人力竭  
董柏楹  
採舉

王老玉

王振國

高老裕

齊老均

趙福  
經紀人

陳斌

王志恩

鄭福

奉化縣志

卷之八 人物下

羅魁  
以上九人皆同治三年  
殉難 王肇岐採舉

張萬福

張守山

符山林

辛貞

趙永成

李永盛

陳貞

劉山

趙太

楊德

岳忠

王國相

楊萬升

以上十三人皆捕盜兵係同治四年五月與馬賊王占一接仗陣亡王肇岐採舉

尤景海劉家屯人

劉富恭劉家屯人

王紹聲

永生店東

鄭榮

棚匠

奉化縣志

卷之八 人物下

六

任和

任義

與任和均社老萬丁人以上六名皆同治四年十二月殉難王肇岐採舉

劉某

或稱劉大縣治街人同治五年十二月罵賊不屈死

侯爽

老壕屯人二名路槐鄉採舉

姜文

王天一

李長春

鄭平富

以上皆炮手

李文炳

商人

張

財

瓦匠 以上七人係同治五年十二月殉難 王肇岐採舉

孫舉二十里堡屯人光緒元年追馬賊至懷德界中砲死

李應辰  
採舉

論曰表章節義士大夫之責也奉邑叠遭變亂即癸亥之難只縣城死者已數百人遑論其他哉茲以修志旁諮博採極力刮搜並由縣官出示遍諭商民人等凡死難者見聞果確準其與紳士一體呈送數月之久數年之事乃只有此數甚矣集事之難而亦諸忠義之不幸也就中如劉富恭本係被虜為賊飼馬賊怒其不遜而恚因殺之與臨奉化縣志

卷之八 人物下

七

孝義事略附錄

農人杜祿居中安堡性樸實少孤事寡母最孝家貧能備甘旨嘗赴市拾一梨不忍食懷以奉母邑紳林某嘗親見之相為感喟中年失偶為人傭作去家二里外雞鳴時往夜必歸

伴母率以爲常嗣因母老病遂不暫離母沒甚哀毀里人咸稱歎焉現年三十有四

林萬春採舉

鄭武允順社民人少孤兄弟二人分爨武獨奉母自生養至死葬咸能盡力以孝稱鄉里現年六十有六

王肇岐採舉

姜廷芳世居小城子屯刻苦力學寄外籍爲諸生其父某先以孝聞嘗焚香禱天誓絕食腥羶祈增父壽廷芳生而能肖

竊踵父行祝父嘏亦不茹葷者有年讀書求心得恂恂表異爲士林所稱重以爲可承堂構焉時年三十餘

郭樹藩採舉

孟天才守善社人業醫性孝母楊氏患瘋疾治久不愈嘗呼

奉化縣志

卷之八

人物下

八

號撲地無狀一日雨夜卧通衢泥淖中家人婉勸不起父憤恨欲曳殺之天才長跪哀號戚感行路父顏霽負母行齧其項血涔涔不顧也委曲調護十餘年如一日今母沒父老能備甘旨以養人咸稱之現年四十歲

孟昭文採舉

鄭世昌允順社人事嗣父興雲母宋氏以孝稱母病三年輾轉床褥未嘗廢離母沒父老備甘旨養焉時年三十三歲

王肇

岐採舉

賀殿寬守善社人性倜儻務農經商爲業家僅小康捐置學田爲士人倡買地作官道用便行旅光緒七年歲荒歉糶粥



濟貧邑凡有善舉莫不與焉趙學博爲旌其門曰樂善好施

高顧清  
採舉

顏景福瑞祥社民人性明敏果毅尤善處家全大體父承禮  
與叔父承詩承易久析箸未幾兩叔父相繼卒承詩子景雲  
有足疾不愈承易妻陳氏撫孤子景輝尚幼俱家業蕩然景  
福怒焉傷之婉勸父母仍合爨初不允至再至三以誠格之  
終得請至今景輝年稍長知勤稼穡而景雲之足疾亦竟愈  
人咸以爲孝義之報云

董柏楹  
採舉

趙永利惠遠社人公正能治家同居五世凡百五十餘人皆

奉化縣志

卷之八 人物下

九

相率敦睦爲一邑之冠子弟擇才授事業儒如廷璧廷瑞爲  
諸生皆能勤苦力學有聲黌序間

王肇岐  
採舉

郭明有住允順社數世同居家近百人明有治家正直無私  
曲咸率教相親睦子殿臣以多嗜好嚴加管束鬱疾卒而家

人益勸

王肇岐  
採舉

孫繡永隆社人性公直善治家老幼凡七十五人相愛睦無  
勃谿狀蓋七世同居人稱頌焉

太史桂  
採舉

曲桂卿本山東人遷居邑之大房身屯頗倜儻有才藝拙於  
謀生而遇事能見其大同治二年慶文徐三公殉難首先糾

衆紳呈請上憲聞於

朝得邀

郵典建祠祀之為足尚焉現年四十餘

路槐卿字敏採舉

柴茂守善社人性好施與如縣治

城隍廟

關帝廟暨仙馬泉廟先後施香火地凡五十六畝有奇詳各廟扁

額人頌美之

賀殿寬採舉

案孝義附錄諸人於志例非所得書也志者苦衷已詳前

論茲就採訪冊片善必陳權以為新邑勸雖或經有諮諏

奉化縣志

卷之八

人物下

十

略事區別者蓋寡當為都人士所共諒也昔毛西河受甯  
紹分巡之聘修越人物志辭之不得至鑿坏而遁夫豈無  
故哉

論曰昔人謂三代下唯恐不好名蓋獎誘後進俯趨時尚  
語耳自實學榛蕪苟能知務修名重質行更相愛慕固已  
為有心人所許悅特是古之君子精心考道日有孜孜年  
四十而後成德猶不敢信為足據也今之於古自非可同  
年語者篇中如杜祿鄭世昌姜廷芳年纔三十有奇去論  
定之期為遠尚其冰淵是凜勿墮爾能益檢身心顧名思

義他日聲宏實大則舉主與榮且不令後之修志者以此  
權筆書作浮雲觀也則跂足望之矣

### 流寓

馮某乞兒氣宇不凡性至孝名與籍問之弗告人無知者但  
咸目爲馮花子咸豐間與其母來寓縣東之瑞祥社破窰中  
日出行乞得甘食皆親炊奉母自取殘粒和糠粃雜食母分  
其餘輒曰兒在外嘗佳味矣樵採操作不少休暇則嗚嗚作  
歌以慰母村人時有慶弔雜羣丐中識者爭指曰馮花子來  
矣多與酒肉使歸奉母馮喜動顏色再拜去光緒二年母暴

### 奉化縣志

#### 卷之八

人物下

十一

卒馮掩其尸日夜環泣絕粒五日端坐死

太史桂  
採舉

論曰或問流寓首乞兒可乎應之曰可此天事也不以人  
事論雖凶如縲囚賤若走卒苟天理爛然不害其爲君子  
稽之往牘率皆褒嘉恐後焉若馮者飢寒切身惟知有母  
不知有他生以養死以殉彼之日勤卷軸而倫理有虧勲  
滿寰區而內鮮實行者夫豈值若人一盼哉推本言之卽  
謂爲高賢亦何不可故亟把臂入林以爲世勸再能得有  
心人於其葬處增塚立石表曰馮孝子墓斯並得之矣

恩綬藍翎長蒙古鑲紅旗人

保昌七品軍功漢軍鑲藍旗人

吉泰滿洲正黃旗人

福全滿洲鑲黃旗人

全壽滿洲鑲黃旗人

傅得布滿洲正紅旗人

富喜滿洲鑲白旗人

依林泰滿洲鑲白旗人

德新滿洲鑲白旗人

文啓滿洲鑲白旗人

奉化縣志

卷之八

人物下

十三

音德布滿洲鑲藍旗人

富春滿洲鑲藍旗人

錫保蒙古正黃旗人

榮安蒙古鑲黃旗人

連升蒙古鑲紅旗人

成德漢軍鑲紅旗人

李玉春漢軍鑲紅旗人

玉慶漢軍正藍旗人

茂齡漢軍鑲藍旗人

依青阿漢軍鑲藍旗人

恩綸漢軍鑲藍旗人

劉萬昌漢軍正白旗人

高殿相漢軍鑲白旗人

崔景元蓋平縣民人

崔成富跟役

以上前二十三人係瀋陽旗兵同治二年十月在邑之榆

樹台戰歿崔景元成富並死之均附祀三公祠禮房存卷名籍已殘

缺不全定有遺漏

### 奉化縣志

### 卷之八 人物下

三

王麻子山東人同治三年死癘子李之難王肇岐採舉

明陞吉林滿洲鑲白旗甲兵光緒九年春在縣屬戴家堡勦

賊陣亡

全英吉林滿洲鑲白旗甲兵十年六月在邑之大城子遇賊

戰歿

### 流寓附錄

單德林直隸撫甯人性篤孝行誼詳撫甯縣志本邑李慶恩

觀感益識錄亦載其逸事今摘略云德林早喪父事母孝母

病午夜焚香禱天遂瘳業於商嘗客昌圖之八面城除夕獨

念母望空而呼淚滲滲下同治四年客買賣街卽今之縣治也十二月遭馬逆之變忽念母不得終養悲不自勝欲哭則出恍惚中若神告之賊將去也保無害乃止亂平狼蹠歸跪母前慟哭遂誓不復出母歿繪像祀之如生年七十餘樂善讀書不倦

論曰求仙問佛事多誕異唯單君之神默以告非妄也孝經感應章曰孝悌之至通於神明光於四海無所不通傳曰至誠之道可以前知此其明驗矣然則單君不忍違母之一念其孝之至誠之至歟

奉化縣志

卷之八 人物下

古

成世昌字鳳占先世浙人寄籍直之清苑縣性樸介鷙直檢束身心動止語默皆有定則獨行已志不輕受人財尤不妄交遇華士時流輒掉臂去訾議之弗顧也業申韓光緒四五年客奉化縣幕正直嚴厲跬步不渝胥吏暨臧獲輩咸敬憚之公餘蒔花爲事旋去不復返蓋事於耕桑樵漁以自樂云案朱子謂必信必果不害其爲自守故聖人猶有取焉如成君詎不謂然而顧可以硜硜者遂棄之若遺乎因筆以收之

論曰流寓名賢志乘記之以郡人愛慕不能忘且可以示

則效也奉邑僻在遐荒於古失考通而論之若茲之馮氏  
爲孝子鳳占爲端人惠然蒞止降至二崔臨難不苟免皆  
可心焉數之爲邊塞光况滿漢旗營爲吾民捐軀捍患不  
尤宜永矢弗諼也耶

列女

姜氏德之女儒童王煦田妻夫婦生辰支干並同年十七合  
卮伉儷甚篤奉堂上以孝稱越三載煦田出就傅旋病歸加  
劇氏禱天願以身代無何煦田卒哭盡哀含殮甫畢投環死  
時道光二十五年九月二十二日也紳耆舉狀上

奉化縣志

卷之八

人物下

五

聞奉

旨旌表

缺奉

旨年月卷在昌圖未經查復許洪觀據烈婦墓碑採舉

范氏處士廷佐女年十六歸劉景堯克盡婦職越九載景堯  
病卒無子翁以家貧無可議嗣欲奪其志氏初以侍翁疾爲  
辭及再三勸諭則給以逾三月乃嫁及夫亡百日哭於墓盡  
哀歸仰藥死時光緒五年九月廿八日也紳耆李遇春等以  
狀舉知縣錢開震上陳八年奉

旨旌表

任氏名門女幼賢淑十七歲歸胡秀奉事舅姑恪盡婦職道

光十五年秀疾卒氏年二十三抗心守志砥節端嚴家人同  
爨者百七十餘從無閒言撫兩姪修翰廷翰爲嗣家初不甚  
裕自紡績佐之讀督責恆不寬假比皆成立修翰附貢蜚聲  
黌序間廷翰亦遊泮羣從弟子皆仰承循循有規度人翁稱  
母教之善而敦宗族睦婣卹鄰懿德殆備焉光緒三年其戚  
鄧侍御慶麟在都呈狀儀部題

奏奉

旨旌表九年坊成邑人榮之殷祝嘏不期而會者凡數百人是年  
秋以疾終壽七十有一

奉化縣志

卷之八 人物下

十六

苗氏承德之女張富奎妻年二十三光緒七年正月二十六  
夜富奎以事出未歸戚汪付棧破戶人強姦不從遂被慘殺  
隨案上

聞奉

旨旌表知縣錢開震匾其門曰碧血流芳

李氏年十六劉小羣童養婦光緒五年其夫兄市幅屢調姦  
不從十二月因尋釁狠毆氏越日死隨案請

旌案懸未結尚未人

奏以上皆奉  
化卷存



劉氏宋繩武妻年二十五夫亡子天柱在襁褓家貧如洗苦

志守貞凡五十八年如一日賢者難之卒八十有三太史桂採舉

齊氏秦有之妻夫亡年二十五守節至八十四歲以壽終賀殿

寬採舉

吳氏幼喪母鞠於姨母朱氏故或言朱姓劉俊妻二十一歲夫故矢死靡

他嗣子文明既成立病歿遺孫又亡孫媳苗氏少寡亦守義

近二十年氏茹苦含辛以成其志同治十一年八十二以壽

終卜逢甲採舉

孫氏適杜熙二十二歲而寡守節至六十一歲病歿李敏採舉

奉化縣志

卷之八人物下

七

尉氏于沼洲妻年十九而寡誓不再嫁奉堂上維謹舅姑歿

喪葬俱如禮繼一姪為子氏慨然曰吾事畢矣有死志家人

防之嚴明年終以刃自殺時二十九歲胡廷翰採舉

李氏封翁信之女遇春姊十七歲適儒童于貴克盡婦職有

賢孝聲二十八歲夫亡姑老子幼誓以死守家故貧備辛勞

無怨色姑歿喪葬能盡禮遺孤二訓撫以成氏性端嚴作止

不苟現年七十歲光緒七年

旌表

孟氏十九歲歸儒童張丕珠越三載夫亡誓志養親以守能

旌表  
得舅姑歡心翁晚年患痰疾侍湯藥尤謹嗣子元經撫以成立現年六十有八光緒七年

旌表  
劉氏張國選妻二十一歲而寡家貧遺子方在襁褓矢志不二孝義可風現年六十三歲光緒八年

旌表  
孫氏王富妻年二十一夫亡遺腹生子家貧婦哀毀守節養親撫孤數十年不怠現年七十歲官紳循例請

旌未蒙奉

奉化縣志

卷之八

人物下

六

旨

冊結未符有  
遲題奏

劉氏李儉妻十九歲夫故無子且貧誓守志貞義凜然現年五十有九請

旌未蒙奉

旨同  
前

王氏王振海妻夫亡青年守志人無間言現年六十八歲光緒六年

旌知縣錢開震匾其門曰柏貞萱壽

張氏魏致中妻夫故年十九守節不再醮三十歲卒光緒八

年

谷氏艾希賢妻夫亡無子氏年二十七家赤貧守志甘心焉  
孝事翁姑慈撫嗣子辛勤備至現年七十有八植節五十一  
年

任氏崔峻德弟廣德之妻年二十八夫亡無子翁在堂奉事  
惟謹撫嗣子興國以成今年逾七旬守志數十年鄉里賢之  
杜氏年十七歸張廣德越五年廣德卒遺子君亮甫八月翁  
老家貧矢志不再醮勤紡績奉親撫孤人無間言現年五十  
奉化縣志

卷之八

人物下

九

有七守節三十五年

崔復德妻馬氏夫故年二十八遺子甫三月矢志不二奉姑  
以孝撫孤以成現年近六旬族黨稱之

以上林萬春採舉

鍾氏郝卯宗妻夫歿年二十四本山東人苦志守貞遷居邑  
之太定社閭範允嚴子二尋亦亡孫五人教之成立明福明  
祥援例入貢現年八十有一鄉里賢之

孫氏庠生劉毓棠妻也夫亡年二十五矢志守貞奉舅姑以  
禮始終不怠子崧齡教之讀成立亦為諸生書香克繼人稱  
賢母焉現年五十有八礪節三十三年

王振興妻易氏三十歲夫故誓不再醮家人同爨百餘人氏別嫌明微不踰跬步子一早卒媳孫氏亦守志孫福田解孝養里黨稱之氏現年六十八歲守節三十八年以上李應辰採舉

王氏十七歲歸閩鳳陽月餘而鳳陽卒婦哀毀誓以死守翁先亡奉姑最謹不事妝飾出入尤矜慎安安然敬循婦職貞信可風同居七十餘人無間言者夫兄子月庭為之嗣今成

立矣氏現五十歲砥節三十三年趙廷瑞採舉

宋氏山西處士宋美之女祁元一妻元一洪同望族原任戶部尚書諱竈藻公從堂姪處士廷藻次子也初廷藻遷吉林

奉化縣志 人物下 卷之八 三

長春廳元一始移本邑之雙城子居焉未幾元一卒氏年二十一無子客旅熒熒而堅節自誓撫姪履章為嗣亦旋歿媳蔡氏並守志不二今宋氏年六十有一植節四十年蔡氏五十歲亦守貞三十年一門雙節庭閭肅然宋氏夫兄復以次子履祥兼承宗祧以慰其志祥亦知孝人以為咸有大家風範焉

尚文學妻王氏年二十九而文學歿誓不他適貞潔可風今六十有二立節三十三年嗣子遐齡亦旋亡其妻某氏並感而守志

宋氏鄭廣昌妻夫卒年二十三矢志不二守節三十年今五十三歲嗣子繼堯成立旋亡妻某氏不去姑媳守貞鄉里稱

焉以上太史  
桂採舉

于氏崔政國妻政國邑之興隆溝人經商至吉林因委禽焉氏年十九以正月于歸越旬日而夫卒母家欲奪其志堅不可氏遣价訴於翁姑遂取以來克勤婦職嗣同宗一子愛若所生及長命子歸夫骨而葬焉現年五十有四守節一十五年里黨咸敬重之

姚氏張文泰妻年二十一夫御車暴亡氏哀號誓不再醮以

奉化縣志

卷之八 人物下

三

族子維為嗣有孫三人維亦歿氏屢遭家難志不稍衰現年七十有三守節五十一年

吳氏王承雲妻年二十七而寡子德方幼翁姑欲奪其志氏曰此兒命也決不可現年五十七歲守節三十年以上王肇  
岐採舉

劉氏已故節婦秦齊氏子媳萬貞妻也夫亡氏二十七今六十三歲守節凡三十六年賀殿寬  
採舉

霍氏趙信妻年二十三夫亡欲殉死父母諄諭乃止孝事翁姑撫嗣子鳳鳴成立同居人眾數十口操作為娣姒先家人憐其苦氏曰人不可一日耽安逸吾安得以未亡人遂不事

事乎不輕出入並絕迹不歸寧其砥節如此里黨賢之現年

五十有四 張佩文胡廷翰並舉

周氏霍永福妻二十四歲而寡矢志不二孝事翁姑治家有

法今六十五歲守節四十一年 胡廷翰採舉

安氏傅連發妻自二十二歲守寡節今六旬矣生平善事舅

姑撫嗣子允寬如所生治家勤儉敦睦宗族賢聲著焉

傅連舉妻秦氏夫亡年十八無子抗志以守今五十五歲砥

節三十二年事親撫嗣子與安氏略同人並稱之 以上董相楹採舉

魏氏年十九適鄭九合逾歲九合卒誓養親守志翁疾劇嘗

奉化縣志

卷之八 人物下

焚香禱天願以身代翁愈乃終身茹素以答神庥後數年氏

發疽欲死恍惚中記神為療治豁然蘇患若頓失人以爲孝

節之報嗣子中折妻鄒氏亦守志魏現年六旬餘將偕寡媳

終老焉 張佩文採舉

崔氏高佩珍妻二十一歲夫亡今六十七歲守節四十六年

高顧清採舉

劉氏宋萬發妻年十八而夫故家貧舅姑欲奪其志終誓以

守現五十五歲砥節三十七年 李敏據該社鄉約王鳳修採舉

王氏仲希亮妻年三十夫故一子甫週歲家人迫其嫁終不

可奪事舅姑以孝稱勤儉刻勵同爨者七十餘人氏操作不稍惰亦從無間言現年七十有四猶日事紡績云

張佩文採舉

楊氏姜文胡妻二十三歲夫故今五十九歲守節三十四年

高顧清採舉

李氏高成業妻年二十六而寡砥節三十七年今六十三歲

李敏採舉

繆氏農家女性孝以父母無子奉養不字兩親病歿殮葬皆賴之以終四時上塚祭掃恆風雨無阻茹素以鍼指養生現

五十五歲鄉里咸稱焉

高顧清採舉

奉化縣志

卷之八

人物下

三

姜氏許守業妻家貧事翁姑以孝著守業中年物故氏勤儉持家遺孤數人量才授事訓以義方為士為農或服賈各有所成就由是起家致富而性好善樂施與凡敦宗睦隣扶危濟困率皆拳拳懇懇為之不厭迄今年近九旬耳目聰明康強逢吉多男行慶幼子遊庠

名未詳

人以為厚德之報云

劉馨山採舉

高氏殉難尤景海之妻年二十九夫既死義氏亦誓死守家

赤貧遺孤一朝不謀夕至乞食終無異志隣母孫王氏富而

好善扶濟危困無倦色氏母子常依賴全活人兩美之今子

皆成立並知孝養氏現年五十有二賀殿寬採舉

論曰人以類聚時有天假焉尤景海夫妻子母合之孫王氏蓋忠孝節義萃於比閭謂之仁里其可風歟高氏雖尚未合旌例而苦節並伸以八議之條已特筆書之而恐後矣

柳氏高發妻青年守節現六十三歲高顧清採舉

列女附錄未合旌例書以待之

倪氏姜連璧妻二十六歲夫故現年五十有三計守節二十

七年王肇岐採舉

奉化縣志 卷之八 人物下 二

劉士本妻高氏二十六歲寡現年五十四歲守節二十八年

邵氏柳吉盛妻年二十五寡現五十一歲守節二十六年

張氏唐文會妻年二十九寡現五十五歲守節二十六年以上

高顧清採舉

論曰天地正氣鍾於男亦鍾於女陸稼書先生云當患難之際舍生取義蹈死如歸有烈丈夫之所難者而得之生長環堵不親師友之女子其天性所植誠獨厚也至孑然一身熒熒無告柏舟自矢之死靡他養舅姑扶門祚絜六尺之孤而還之亡者較前之舍生取義者又何間於難易



焉旨哉其爲言乎奉化蕞爾新邑如姜氏范氏之從窻就  
義苗氏李氏之倉猝不渝垂有家法者若修翰母毓棠妻  
不愧門閥者若元一妻遇春姊其卓卓矣卽如鳳陽妻之  
早寡景海妻之苦貞真有令人肅然起敬者夫詎在  
褒揚之典及與未及也哉

又列女附錄

傅氏史萬賀之母鐵嶺山中人年二十一而寡遭家多難備  
極艱辛同治初間流離入縣境嘗爲人傭藉以撫孤其貞節  
之苦人咸歎異之現年六十餘萬賀成立亦知孝

路槐鄉  
採舉

奉化縣志

卷之八 人物下

三五

郭氏振海之女初字昌圖孫發子儒童寶瑯爲室未婚而寶  
瑯卒氏年十六聞訃長號欲奔喪守志父母戚黨百計勸阻  
堅不可奪誓曰使我易孫姓有死而已越數日適又值其祖  
姑之喪乃易服並往而哭哀感行路竟不返舅姑欲以己女  
育之氏堅執婦禮乃繼其夫兄子爲之嗣以終喪於是貞義  
之聲聞播遐邇氏現年三十許

李敏  
採舉

案貞女事傳聞異詞折中審記始爲近理是否昭合仍須  
再詳且其夫家母家俱隸昌圖於此志之有近掠美但或  
謂貞女至今未

旌昌圖無志斯志通變舊例權以用

勸者不一而足邊荒有此卓絕之事附鄰勸善系亦可乎  
又謂其夫家田宅  
產有在奉邑者 因謹其說殷然濡筆而書於冊

奉化縣志

卷之八 人物下

三